

(B12) Священное Писание

22

### Дююня чаармак ичин пилда

1 Иисус, аннадарак оннара пилдаларлан, деди: 2 "Гёк Падишахлыы бензеер бир падишаха, ани дююн йапты оолуна. 3  
Йоллады изметчилерини, сенселеи дююня чаарсыннар; ама оннар истямедиляр гелмяя.  
4 Гене йоллады, башка изметчилерини, дейип: "Соляйин чаарылмышлара: Софра курулу, даналар хем бесли хайваннар кесили, хепси хазыр, гелин дююня!"  
5 Ама оннар, есаба алмайып, кимиси гитти тарласына, кимиси алыш-веришиня.  
6 Каланы, тутуп изметчилери, гюлмяя алдылар оннары, хем ёлдюрдюляр.  
7 Буну ишидип, падишах юфкеленди; йоллады аскерлерини, да ёлдюрюжюлери йок етти, хем касабаларыны йакты.  
8 Сора изметчилериня деди: "Дююн хазыр, ама чаарылмышлар диилдиляр йакышык гелмяя.  
9 Гидин сокаклара, чаарын дююня хепсини, кими буладжэныз". 1  
0 Чыкып сокаклара, изметчиляр, кими гёрдюляр, ии кётю, хепсини топладылар; да дююн аулу долду мусаафирлен.  
11 Падишах, гелип мусаафирлери гёрмяя, бирини булду гийинмемиш дююн рубасына;  
12 хем деди она: "Аркадаш! - сян насыл бурайи гелдин дююн рубасыз?" Q адам сусарды.  
1  
3 Озаман падишах изметчилериня деди:"баалайын онун еллерини хем аякларыйыны, да атын дышаркы караннаа; орада оладжэк ааламак хем диш гыджыртысы".  
14 Зеря чаарылмыш чок, ама айырылмыш ааз".

Хак Кесаря хем Аллаха

15 Озаман фарисейляр гидип аннаштылар, насыл тутсуннар Иисусу лафлан. 16  
Йолладылар Она кенди ююренджилерини Иродун адамнарыннан  
бия, дееряк: "Ююредиджи, билериз ки Сян дооруджуйсун, хем акына ююредерсин  
Аллахын йолларына, хем чалышмэрсын йаратмаа биркимсейя, зеря инсан айырмэрсын.  
17 Сёля бизя, несой сайэрсын? дюшер ми харч ёдемяя Кесаря, оса дюшмеер ми?"

18 Иисус, гөрүп оннарын ширетлиини, деди: "Нечин денеерсиниз Бени, икиюзлюяр?"

19 Гёстерин парайы, нейлян харч ёдерлар. Оннар гетирдиляр бир динар.

20 Иисус сорду: "Кимин ресими хем ады йазылы бурада?"

21 "Кесарын"

, - дедиляр. Озаман Иисус оннара деди: "Не Кесарын, верин Кесаря, ама не Аллахын, верин Аллаха."

22 Буну ишидип шаштылар, хем бракып Иисусу гиттиляр.

Соруш дирилмяк ичин

23 Хеп о гюню гелди саддукейляр, ани деерлар ки дирилмяк йокмуш, да сордулар: 24

"Ююредиджи! Моисей деди: „Еер биркимсей ёлярса ушаксыз, озаман онун кардашы лязым евленсин онун дулуна, ки браксын тамазлык ёлмюш кардашына дейни“.

25 Варды биздя еди кардаш. Илкинки евленди да ёлдю. Ушаа йокту дейни, карысыны бракты кардашына.

26 Хеп ёля олду икинджийлян да, ючюнджюйлян да, таа единджийадак.

27 Биткидя ёлдю кары.

28 Дирилмяк гюнюндя, о едидян кимин карысы о оладжэк? Зеря хепси онуннан евлийди".

29 Иисус джувап етти оннара: "Йанылэрсыныз, зеря билмерсиниз не Йазылары, не да Аллахын куведини.

30 Зеря дирилмектян сора евленмерлар, ама булунэрлар гёклердя ниджя Аллахын ангеллери.

31 Окумадыныз мы не Аллаа сёлеер ёлюлерин дирилмеси ичин:

32 "Бян Авраамын Аллахы, хем Исаакын Аллахы, хем Иаковун Аллахыйым". Аллаа дирилерин Аллахы, ама диил ёлюлерин".

33 Ишидип, инсан шашарды Онун ююретмесиня.

Ен бююк изин

34 Фарисейляр, ишидип ани Иисус сустурду саддукейлери, топландылар бирери. 35

Оннарын бири, законджу, денейеряк Ону, сорду:

36 "Ююредиджи, ангы изин ен бююк Законда?"

37 Иисус она деди: "Сев Сааби Аллахыны бютюн юряяннан, бютюн джаныннан, хем бютюн аклыннан".

38 Бу илк хем ен бююк изин.

39 Икинджи, она бензяр: "Сев йакындакыйы ниджя кендини". 40

Бу ики изиндя баалы бютюн закон хем пророklar".

Христос - кимин оолу?

41 Фарисейляр топландыйнан, Иисус оннара сорду: 42 "Не дюшюнерсиниз Христос ичин? Кимин оолу О"? "Давидин", дедиляр.

43 Иисус оннара деди: "Оляйса, ниджя Давид, Айоз Духун йардымыннан, Она деер "Сааби", хем сёлеер:

44 „Сааби деди Саабимя беним: "Отур саа тарафымда, Бян дюшюрюнджя Сенин душманнарыны аякларынын алтына"?

45 Ачан Давид Она деер "Сааби", насыл О олабилир Давидин оолу?

46 Кимсей джувап едямеди Она бир да лаф. О гюндян сора, кимсей кыйлышмады Она сормаа бишей.